



## სოფლის ბანკითარება მთიან რეგიონებში

სოფლის განვითარების მიმართულებით CCR-ი ძირითადად საქართველოს ნაკლებად განვითარებულ მაღალმთიან რეგიონებში მუშაობს. CCR-ის გუნდი წლების განმავლობაში მუშაობდა თუშეთში, რაჭასა და ზემო აჭარაში - ადგილობრივი ფერმერების, მეწარმეების, მცირე და საშუალო ბიზნესის ხელშესაწყობად.

თუშეთის რეგიონსა და ახმეტის მუნიციპალიტეტში CCR-ი დაეხმარა ადგილობრივი მოსახლეობის ტრადიციულ მეურნეობებს - ხელი შეუწყო მათ მოდერნიზებას და ალტერნატიული ეკონომიკური აქტივობების დანერგვას. კერძოდ, თუშეთში თანამედროვე ტექნოლოგიების გამოყენებითა და მწარმოებლებსა და გადამამუშავებლებს შორის კავშირების გაუმჯობესებით მხარი დაუჭირა მატყლის წარმოების განვითარებას; თანამედროვე სასოფლო-სამეურნეო პრაქტიკის დანერგვით - კარტოფილისა და ბოსტნეული წარმოების გაუმჯობესებას; ხოლო მცირე გრანტების გაცემით - ეკონომიკური აქტივობების დამატებით გაფართოებას.

CCR-ი ზემო აჭარაში, ხულოს მუნიციპალიტეტში, მუშაობდა ადგილობრივი ეკონომიკის განვითარებისა და ცხოვრების ხარისხის გაუმჯობესების მიმართულებით. ევროკავშირის „ლიდერის“ (LEADERS) მიდგომის საფუძველზე, ადგილობრივმა სამოქმედო ჯგუფმა შეიმუშავა სოფლის მდგრადი განვითარების სტრატეგია, ხოლო მცირე ბიზნესისა და მეწარმეების საგრანტო პროგრამა დაეხმარა ადგილობრივი ეკონომიკის განვითარებას. მთლიანობაში, ადგილობრივი და მცირე საწარმოებისათვის, 73 ბიზნესპროექტისათვის, გაიცა 1,030,000 ევრო. ბენეფიციარებმა, თანადაფინანსების სახით, დამატებით 440 000 ევროც მოიზიდეს. შეიძლება ითქვას, რომ დღეისათვის CCR-ის მუშაობამ დადებითად იმოქმედა დაახლოებით 24 000 ადამიანის ცხოვრებაზე.

რაჭაში CCR-ი მუშაობს მცირე და საშუალო საწარმოებისა (მსს) და სოციალურად მოწყვლადი ოჯახების დასახმარებლად, რათა გაძლიერდეს ადგილობრივი მოსახლეობა და შეძლოს კოვიდ-19-ის პანდემიით გამოწვეულ ეკონომიკურ სიძნელეებთან გამკლავება. მცირე და საშუალო საწარმოებისათვის გაწეულმა ფინანსურმა დახმარებამ და სოციალურად მოწყვლადი ოჯახების სასოფლო-სამეურნეო რესურსებით უზრუნველყოფამ ბენეფიციარებს მისცა მათი ეკონომიკური და/ან სამეურნეო საქმიანობის შენარჩუნების, აღორძინების ან დივერსიფიკაციის და, შესაბამისად, კოვიდ-19 პანდემიით გამოწვეული უარყოფითი გავლენის დაძლევის შესაძლებლობა.



## ნარჩენების მართვა

CCR-ი ნარჩენების მართვის მიმართულებითაც ძირითადად მთიან რეგიონებში მუშაობს - მისი საქმიანობაა შესაბამისი სახელმძღვანელო დოკუმენტების შემუშავება, ჩართული დაინტერესებული მხარეების შესაძლებლობების გაძლიერება და აუცილებელი ინფრასტრუქტურის შესყიდვა.

დუშეთის მუნიციპალიტეტში ნარჩენების მართვის ხელშეწყობისთვის CCR-მა შეიმუშავა ნარჩენების მართვის გეგმა ფშავ-ხევსურეთის დაცული ტერიტორიისთვის, ცოტა ხნის წინ კი ამ მხარეს ნარჩენების შესაგროვებლად გადასცეს სატვირთო მანქანა და კონტეინერები.

ანალოგიური მიდგომა გამოიყენეს რაჭაში, ონის მუნიციპალიტეტში - CCR-ის ექსპერტებმა შეიმუშავეს ნარჩენების განცალკევებისა და გადამუშავების მოდელი და სამოქმედო გეგმა, შემდეგ კი ნარჩენების მართვის მუნიციპალური კომპანიის შესაძლებლობების გაძლიერებისათვის და ნარჩენების შესაგროვებლად გადასცეს სატვირთო მანქანა და კონტეინერები და შემუშავებული მოდელი და სამოქმედო გეგმა პრაქტიკაში დანერგეს და გამოიყენეს. გარდა ამისა, სკოლებისა და ახალგაზრდების აქტიური ჩართულობითადგილობრივმა მოსახლეობამ შეისწავლა ბიოდეგრადირებადი ნარჩენების გადამუშავება და მათი მეორადი გამოყენება კომპოსტად.

## მადლობა ჩვენს დონორებს და პარტნიორებს



## დაგვიკავშირდით:

ჩეხეთის რესპუბლიკის კარიტასი საქართველოში

მისამართი: კარტოზიას ქ. # 8. კორპ. IV, სადარბაზო I, სართული IX, ბინა 24, 0162 თბილისი, საქართველო

ტელ: +995 577 449 191

ელ.ფოსტა: ccr@caritas.cz

ვებგვერდი: georgia.charita.cz

https://www.facebook.com/CCRGeorgia2015




# ჩეხეთის რესპუბლიკის კარიტასი საქართველოში

## ჩვენ შესახებ

ჩეხეთის რესპუბლიკის კარიტასი საქართველოში (CCR) არის არასამთავრობო ორგანიზაცია, რომელიც საქართველოს განვითარების მიმართულებით. მისი მიზანია ხელი შეუწყოს ჯანდაცვის და სოციალური სერვისების გაუმჯობესებას, სოციალურს ინკლუზიას, თემის გაძლიერებას, სოფლის განვითარებას და გარემოს დაცვას.

2008 წლიდან, CCR-ი საქართველოს ეხმარება რუსეთთან კონფლიქტის შედეგად იძულებით გადაადგილებულ პირთა საჭიროებების დაძლევაში. 2015 წელს CCR-მა თავისი მუდმივი წარმომადგენლობა გახსნა ქ. თბილისში, ხოლო 2017 წელს - რეგიონული ოფისი ხულოში, ზემო აჭარაში. ამ წლების განმავლობაში ორგანიზაციამ განახორციელა ათეულობით პროექტი ჯანმრთელობისა და სოციალური დაცვის, სოფლის განვითარებისა და გარემოს დაცვის სფეროებში.

საქართველოში CCR-ს შედარებით მცირე გუნდი ჰყავს. მათ ხშირად ექსპერტები ჩეხეთის რესპუბლიკიდან ჩამოჰყავს, რათა ქართველ სპეციალისტებთან ერთად ადგილობრივად განისაზღვროს და გადაიჭრას განვითარების სფეროში არსებული პრობლემები. CCR-ს თავისი სხვადასხვა დონორისა და მრავალრიცხოვანი პარტნიორის წინაშე აქვს მაღალი ანგარიშვალდებულება და თავის საქმიანობას გამჭვირვალედ და ეფექტურად პრინციპებზე დაყრდნობით წარმართავს.



## ჯანდაცვა და სოციალური მომსახურება

ჯანდაცვა და სოციალური მომსახურება საქართველოში CCR-ის საქმიანობის უმთავრესი სფეროა. CCR-ის გუნდმა, ადგილობრივ და საერთაშორისო ექსპერტებთან ერთად და მთავრობასთან, სამთავრობო უწყებებთან და მრავალრიცხოვან პარტნიორთან მჭიდრო თანამშრომლობით, სისტემური ცვლილებები შეიტანა ჯანდაცვისა და სოციალური მომსახურების სხვადასხვა სფეროში.

CCR-ი დახმარებას უწევს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს, ჯანდაცვისა და სოციალური მომსახურების ეფექტური პოლიტიკის შემუშავებაში, რომლის მიზანია პირველადი ჯანდაცვის გაუმჯობესება, ხანგრძლივი მოვლის საჭიროების მქონე შშმ ბავშვებისთვის მოვლის შესაბამისი სისტემის ჩამოყალიბება და ხარისხიანი სერვისების უზრუნველყოფა აუტიზმის სპექტრის მქონე ბავშვებისთვის. უკვე ათი წელია, CCR-ი ახორციელებს ზოგადად მოსახლეობის და ჯანდაცვის პროფესიონალების სწავლებას კიბოს პრევენციისა და ადრეული გამოვლენის, ჯანდაცვის სფეროში ადამიანის უფლებების საკითხებზე.

## პირველადი ჯანდაცვის სისტემის გაძლიერება

CCR-ი საქართველოს პირველადი ჯანდაცვის სისტემის რეფორმირებაში 2017 წლიდან ეხმარება, როდესაც მუშაობა დაიწყო ჯანდაცვის სერვისების ხარისხის შეფასების ინსტრუმენტებისა და პირველადი ჯანდაცვის მუშაკებისთვის შესაბამისი ელექტრონული საინფორმაციო სისტემის შემუშავებაზე. 2020 წელს CCR-მა ამ მიმართულებით



მუშაობის მეორე ეტაპი დაიწყო, რასაც კიდევ უფრო ფართომასშტაბიანი ცვლილებები მოჰყვება პირველადი ჯანდაცვის სისტემაში. კერძოდ, შეიქმნება ყოვლისმომცველი, სტანდარტიზებული მართვის საინფორმაციო სისტემა და ქვეყნის მასშტაბით ელექტრონული სამედიცინო ჩანაწერების საცავი, რომელიც პირველადი ჯანდაცვის სპეციალისტებს დაეხმარება იმუშაონ ერთიანი სტანდარტით. პჯდ მომსახურების ხარისხის მართვის ინსტრუმენტები პირველ რიგში დაინერგება თბილისის, მცხეთა-მთიანეთისა და სამეგრელო-ზემო სვანეთის რეგიონების 46 სამედიცინო დაწესებულებაში. გარდა ამისა, განახლდება პირველადი ჯანდაცვის მუშაკების საკვალიფიკაციო სტანდარტები და მოთხოვნები, ჩამოყალიბდება პირველადი ჯანდაცვის უწყვეტი სამედიცინო განათლების სისტემა.



## შეზღუდული შესაძლებლობის მქონე პირთა უფლებები

CCR-ის ერთ-ერთ მნიშვნელოვან პრიორიტეტულ მიმართულებას წარმოადგენს შეზღუდული შესაძლებლობის მქონე პირთა უფლებების დაცვა. იგი მუშაობს სისტემური ცვლილებების ხელშეწყობაზე და პოპულარიზაციას უწევს შეზღუდული შესაძლებლობის სოციალური მოდელის ჩამოყალიბებას, ჯანდაცვის პროფესიონალების ცოდნის დონის გაუმჯობესებას შეზღუდული შესაძლებლობის შესახებ მედიცინის მუშაკთა სასწავლო პროგრამებში ამ საკითხების ინტეგრირების გზით. საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროსთან თანამშრომლობით, CCR-ი ასევე მუშაობს სახელმწიფო დონეზე შესაბამისი სერვისების შექმნის მიზნით.

მძიმე შესაძლებლობის შეზღუდვის მქონე ბავშვების ხანგრძლივი მოვლისა და პალიატიური მზრუნველობის (LTC) გაუმჯობესების მიზნით, CCR-ი ქვეყნის წამყვან ექსპერტებთან ერთად მუშაობს ამგვარი სერვისის ეროვნული სტანდარტების მომზადებაზე და დანერგვაზე. პროექტის გუნდი მუშაობს LTC-ს მარეგულირებელი ჩარჩოს შემუშავებაზე და თბილისის სახელმწიფო სამედიცინო უნივერსიტეტის გ. ჟვანიას სახელობის პედიატრიული კლინიკის ახალაშენებული ბავშვთა ხანგრძლივი მოვლის განყოფილების პროფესიონალთა გუნდის შესაძლებლობების გაძლიერებაზე.

CCR-ი ასევე ხელს უწყობს აუტიზმთან დაკავშირებული სისტემური ცვლილებების დანერგვას, ეხმარება საქართველოს მთავრობას ეროვნული პროტოკოლისა და სტანდარტების დანერგვასა და აუტიზმის სპექტრის აშლილობის მქონე პირებისათვის სერვისების განვითარება/გაუმჯობესებაში. პროექტი ითვალისწინებს სერვისის მიმწოდებლებისა და პირველადი ჯანდაცვის სპეციალისტების მომზადებას აუტიზმის ადრეული გამოვლენაში, დიაგნოსტიკასა და მართვის საკითხებში. საქართველოს რეგიონებში სერვისების ხელმისაწვდომობის გაუმჯობესების მიზნით, CCR-ი მხარს უჭერს აუტიზმის მუნიციპალური პროგრამების დანერგვას და ინკლუზიური განათლების პოპულარიზაციას სკოლამდელ დაწესებულებებში.

გარდა ამისა, CCR-ს ინტერვენციები ორიენტირებულია ბენეფიციართა ინდივიდუალურ საჭიროებებზე დაფუძნებული ზრდასრულთა ალტერნატიული ზრუნვის სისტემის შემუშავებაზე. კერძოდ, მისი მიზანია მარტყოფსა და ღუშეთში შეზღუდული შესაძლებლობის მქონე პირთა ორი დიდი პანსიონატის დე-ინსტიტუციონალიზაცია და ამ პანსიონატში მცხოვრებ ბენეფიციართათვის საოჯახო ტიპის საცხოვრისის და მასთან დაკავშირებული ინდივიდუალური სერვისების შექმნა, მათი დამოუკიდებელი ცხოვრების ხელშეწყობისა და საზოგადოებაში ჩართვის მიზნით.

## კიბოს პრევენცია და ადრეული გამოვლენა

ბოლო 10 წლის მანძილზე, CCR აქტიურად მუშაობს კიბოს პრევენციისა და სკრინინგის საკითხებზე ჯანდაცვის სფეროს პროფესიონალების შესაძლებლობების გაძლიერებასა და საზოგადოებრივი ცნობიერების ამაღლებაზე. მიმდინარე ინტერვენციების ფარგლებში, CCR-ის გუნდი მუშაობს კიბოს (ძუძუს, საშვილოსნოს ყელის, პროსტატისა და სწორი ნაწლავის) სკრინინგის პროგრამების გეოგრაფიული მისაწვდომობის ხელშეწყობაზე სამეგრელო-ზემო სვანეთის რეგიონის, მათ შორის აფხაზეთის მოსახლეობისთვის. აღნიშნული მიზნის მისაღწევად, ჩეხეთის განვითარების სააგენტოს მხარდაჭერით, ზუგდიდში აშენდა და აღიჭურვა სკრინინგ ცენტრი. 2019 წლის ოქტომბერში სკრინინგ ცენტრის გახსნით რეგიონის მოსახლეობისთვის ხელმისაწვდომი გახდა საქართველოს ეროვნული სკრინინგ პროგრამები და შედეგად, ყოველწლიურად სულ მცირე 1000 ქალბატონს უტარდება საშვილოსნოს ყელის და ძუძუს სკრინინგული გამოკვლევა, მინიმუმ800 მამაკაცს და ქალს - სწორი ნაწლავის სკრინინგი. იგივე რაოდენობის მამაკაცებს უტარდება პროსტატის კიბოს გამოკვლევა.



## სოფლის განვითარება და გარემოს დაცვა

როგორც ვიცით, საქართველოს მოსახლეობის დაახლოებით 40 პროცენტი ცხოვრობს სოფლად და სოფლის მეურნეობაზეა დამოკიდებული, რის გამოც სოფლის მდგრად განვითარებას და გარემოს დაცვას განსაკუთრებული მნიშვნელობა აქვს ქვეყნის გრძელვადიანი სოციალურ-ეკონომიკური განვითარებისთვის. ამის გათვალისწინებით, CCR-ის მიზანია, ხელი შეუწყოს კლიმატზე მორგებული სასოფლო-სამეურნეო პრაქტიკისა და შემოსავლიანი ალტერნატიული აქტივობების განვითარებას და ბუნებრივი რესურსებისა და ნარჩენების ეფექტურად მართვას. CCR-ი მტკიცედ უჭერს მხარს ამ სფეროში ევროკავშირის „ლიდერის“ (LEADER) მიდგომის გამოყენებას, რაც ხელს შეუწყობს საზოგადოებრივი, კერძო და სამოქალაქო სექტორების ენერგიისა და რესურსების გააქტიურებას სოფლის განვითარების პროცესში წვლილის შესატანად.